

2.



BIBLIOTHECA
UNIV. JAGELL.
CRACOVENSIS


59738

Mag. St. Dr.

P

*Chikotajski Jan. Joas. Astrum boni ominis
D. Joannes à Cruss.*

Feol. 5131.



A S T R U M

B O N I O M I N I S

D. JOANNES

à C R V C E,

Inter Sidera Carmeli

Sanctitate Virtutum, & Miraculorum claritate

R E F V L G E N S,

Annua Festivitat^{is} suæ redeunte luce

In Celeberrima S. MICHAELIS

ARCHANGELI BASILICA

P.P. Carmelitarum Discalceatorū Cracoviensiu

In Præsentia Magnorum Hospitum

P E R

M. IOSEPHVM IOANNEM

MIKOŁAYSKI,

In Alma Univerſitate Cracoviensi Philosophiæ Doctorem,

& Professore; Scholæ Sanctorum Omnium

S E N I O R E M,

Oratoria Demonstratione

O B S E R V A T V S.

Annô quô

Sol iustitiæ refulsit in Virgine terris 1728.

Die 14. Decembris.

CRACOVIAE, TYPIS ACADEMICIS.

IN ARMA
ILLUSTRISSIMÆ DOMUS
ŁASZOWSCYORUM.



I.
ANNULUS Illustris, quem spectas, (fors sine gemma?
Pro gemma ceris CRUX niret alma Suīs)
Armipotens bellis desponsat ubiq; triumphos,
Fortunam Lechiæ; CRUX benedicit Ei.

II.
ANNULUS est medius divisus sorte Secunda;
Patria dimidium, Gloria, Fama tenent;
ŁASZOWSKI DOMUS affinis cum Gente Polona;
Lechia quò gaudet, possidet omne decus.

III.
Sarmatiæ fines casu crux nulla gravabit;
ANNULUS hanc rostris limitat ire viam.

59238
III

204


ILLVSTRISSIMO.

^{AC}
MAGNIFICO DOMINO.
D. STEPHANO

De Krafzkowice in Łazow

ŁASZOWSKI,
Regiminis Gvardiæ S.R. MAIESTATIS
CAPITANO &c. &c.

Dòmino Mecænati
Amplissimo.

 *Erresfri de Empyrèó, trinoq, Carmeli à
Sidere divertens BONI OMNIS
ASTRVM bene sibi publicam sub Tuo
Nomine auspicator lucem. Illustrissime
Domine Mecænas. Coronam etenim
Tuus etymus sonat; D. IOANNES
à Cruce insigne Carmeli Decus, candore
ipso notabilis Gemma; quia exinde
Coronâ dignus, Tuo etiam Nomini debuit dedicari. Trabea-
ta Ille insignis CRUCE, Tu CRUCEM in Stemmata geris,
faustè Crux ad Crucem accedit; nam pretium pretio venit.
Rotundum Gentilitius ANNVLVS Tuus sinuatur in Or-
bem; Sideribus, quia tantum intra sphericos Calorum morari*
A *Polos*

Polos innatum est; ASTRVM BONI OMINIS intra Tui
Stemmatæ Sphæram locandum erat. Imò nec alibi celsus Car-
meli Splendor D. IOANNES à Cruce ad publici Solis o-
culum videri voluit; quàm in Tua Illustrissima Domo; quæ
præstantibus conspicua Viris, Magnis decoribus, factis, me-
ritisq; Præclara ipsam Solis Regiã æmulatur. Et quia CRU-
CEM pro Stemmate gestat; affinis, & consanguinea Numinis
esse probatur. Vetus hac Domus in Bohemorum Solo etiam
Regalibus purpuris ita claruit sola, ut quoq; sub Polono am-
pliata Polo ad Solia, & Regnorum Soles futuros cresceret in
annos assurrectura. Stupuit splendorem Ejus Lechicus Or-
bis, cùm primò Magnitudinis Vestra jubar de alieno clima-
te prorumpens; & jam latè in sua lumina effusum, jam totò
pro Patria Vesuvio ardens, jam immanes Lechici viscera
soli lacerantes Harpyias fulmine quodam terrens, ac perstrin-
gens in Magna Comitum de Skrzydlna RATVLTTOVI-
ORVM dexteritate, Heroica virtute, bellicis, gestis ductisq; de
hoste Patria, Fidei, Regni mille triumphis vidit, spectavit,
& advertit. Auditum est totius orbis climati Magnū BO-
DZETÆ Secundi de Tuo Stemmate Nomen, cujus opera
etiam primis in Regno subsellijs majora, facta omnem supra
titulum cùm essent; tamen mallens Honores mereri, quàm
habere inbiantem æstimatissimo Capiti Suo ARCHIEPI-
SCOPALEM Gnesnensem Insulam nec suscepisset, nisi Ei
magna Ecclesiæ necessitate, extremisq; Regni augustijs per-
suasum esset. Submisit tanta Tiaræ caput Magnus in Ec-
clesia Præsul, gestabatq; sacris pedum Pontificiū manibus Ipse
labentis Fidei Fulcrum, & Column. Optimus Pastor, Vivum
pietatis Exemplar, Virtutū Norma, & Idea, Primus in Po-
lono Senatu PRINCEPS primas de bono communi mente, &
animo gerebat curas; Regni subsellio nemini Secundus in
dando prudenti consilio primum semper agebat Consuevit. Tan-
tū in Ecclesia, tantū in Gente Libera emeritus; ut Tibi
Illustrissime Domine, quem pro Magno Antecessore habes, sa-
tus ad gloriam, & Nominis amplitudinem esset. Celsissimum
mentis venerata Polonia Nomen, & Numen in Illustris-
simo

limo Domino IOANNE de Kraszkwice in Łaszow Łaszowski
 Castellano Terra Vielunensis Tuo Illustrissime Domine Tri-
 tavo; qui non tantum ex eo multe laudis, & multa Polonia
 fuit Heres, quod de Illustrissima Wielopolskiorum Domo le-
 gitimam in Sortem amoris sibi adjunxit Consortem Pul-
 cheriam, verum etiam, quod tantus in arena Martis appa-
 ruit Achilles; ut uno passu ubique, assecutus victoriam elogia
 mereretur. Gentilitia Cruce Fidei, & Patria hostes trium-
 phabat. Vere Castellanus Illustrissimus ex hoc non minus,
 quod lumine Fidei illustratus sero licet araneam Arianorum
 fregit telam, sero tamen Catholica incubuit basi Fulcrum, &
 Antemurale Ecclesie toties repertus; quoties pro Domo DEI
 quaesitus Orator. Magnus Republica Civis, Pater Patria;
 cujus integritatem toties aperto pectore tutatus, quoties Mar-
 tis ingrediebatur arenam. Eodem plane vestigio Magni Pa-
 rentis non Minor processit Filius Illustr: DOMINUS GABRIEL
 ŁASZOWSKI, & in maximis propinquo Honorum fastigio stetit.
 Iudex Terra Vielunensis cum esset, Aristidem, & Licurgum
 egit; iusti, rectique, amans illa in Arcopago decreta ferebat; quae
 ipsa formabat Themis. Pulchram Ille cum Illustr: BRONIO-
 WSKA gloria sua recepit Coronam in Illustr: Domino STEPHA-
 NO ŁASZOWSKI Tribuno Terra Vielunensis Carissimo Filio suo,
 & Tuo Illustrissime Domine Avo, quem prisca saecula Pra-
 stantissimum meminere Virum; & moderna tempora plenum
 Magnorum gestorum Volumen legunt, venerantur. Omni-
 bus Encomiis pradicandus innumeras in Martia arena, quam
 toties fuso e Hostibus Patriae irrigabat cruore; secit sibi pullu-
 lare laurus. Verus Gradivi Athleta insomnes sub dio aper-
 to ducebat noctes; ut carissima tutius quiesceret Patria: aper-
 tum inimico furori imparvide opponebat pectus; ne bonum com-
 mune quandoque, laderetur. Et ut per Fasces numerentur Avis
 hac de stirpe natum PARENTEM TUUM Illustr: GABRIELEM
 ŁASZOWSKI Dapiferum Sanocensem in Syllabo Macedonum,
 Augustorum, Iuliorum veneror, qui Magnus Consus, Patria
 Os, & Oraculum toties acclamatus; quoties promebat sensus,
 a quibus pendebat salus publica, & Regnum. Hic in tan-

tam abiit Majestatem, ut Primus Princeps hujus Familie
 deberet recenseri; ni seculorum injuriâ citiorem in Orbes ipsi
 tardaverit passum: qui ut Tibi Parentem, ita Patrie Patrē
 se maluit ostendere, quā Primatem. Atlas aurea Libertatis
 auro notandus; Hercules animorum, & labentium annorum
 cedris, & adamanti incidendus spatium gloriae in toto Le-
 chia est dimensus campo, quem & proprio non semel rigavit
 cruore, sudoreq̃, & victricibus adornavit Patriā adores, &
 Ecclesiā defendendo praeclarā claregestis Virtutis Prodigium vixit
 vitam perpetua jam felix luce; Cui si fatua parcarum fata
 pepercissent adusq̃, jam facinoribus, & probitate in Nu-
 men degenerasset. Sed vivit adhuc in vita Socia Parente
 Tua Illustr: MARIANNA in Wysuczka de Wasilkowscijs ŁA-
 SZOWSKA, & in Vobis STEPHANO, ALEXANDRO, VINCENTIO de
 Kraszkwice in Łaszow ŁASZOWSCIjs Maximis Natis. Illa est;
 quam cum lunone natā eruditione Marcellam, venustate, &
 morum elegantia Eudoxiam Superantem orbis venerabun-
 dus observat, ego voto non inani adoro: ut annorum Myri-
 ades numerando adversam superet sortem semper felicissima.
 Primus Fratrum Tuorum Illustr: ALEXANDER de Kraszkwice
 in Łaszow ŁASZOWSKI Ensisfer Vielunensis in acie ferri, & in-
 genij acie Victor triumphis Polonia ubiq̃ campum aperit, &
 ad Supremos honores accessum habet; quem sibi ut meritis,
 ita Vielunensi Ense pridem referavit: utinam longævus in
 triumphū celsos honores, ac fortunam ducat Policrates. Al-
 ter Tesaurarius Livenis Illustr: VINCENTIUS ŁASZOWSKI
 non vincere conatum, sed calcata per juga Barbarorum Tua
 studet consequi vestigia; ubi Zelum honoris Divini, cultum,
 & amorem Calituum, animum Gradivi ita comparat, ut ve-
 rē Frater Tuus comparere possit; cui propitij Superi parant
 prosperrimos cum Curulibus in Patria successus. Tantum
 ex hac Illustissima Antecessorum, quam Adoratore hactenus
 recensui Calamō, serie, tantū ex Illustr: Fratribus Tuis, quos
 & magni modō ambiunt honores, & maximi expectant; tan-
 tum ex Colligato Sanguine Celsissimorum, Illustrissimorum,
 Excellentissimorum WISNIEWIECCIORUM, CZARTORYISCIORUM
 SANGU

**SANGUSCONUM, S.R. Imperij Principū LUBOMIRSCIORUM, MY-
 SZKOWSCIORŪ, WIELOPOLSCIORŪ, KOMOROWSCIORUM, KALINO-
 WSCIORUM, PIENIĄZKOVIORUM, ZOARDORUM, TĘCZYNSCIORUM,
 BRANICCIORUM, POTOCIORUM, HUMIECCIORUM, GNIEVOSZORUM,
 MORSTINORUM, STRUSONUM, ROZYCORN, GLINSCIORUM, MA-
 GIERONUM, GORAYSCYORUM, CZURYIONUM, KORBUTONUM, ZO-
 RAVINSCIORUM, aliorumq̃,** qui Omnes Gloria Gentis Tullia-
 nas excedunt immensitate Virtutum, & meritorum Grada-
 tiones, ac ingenia; ad Nominis splendorem, & amplitudinē
 habes: Ipse Tibi famam gloriosis facinoribūs, gestisq̃, auro, &
 cedro notandis in immensum protendis. Secundus inter Fra-
 tres Tuos primam aspexisti lucem, ceteros ad sublimia sequi
 Antecessores, alios præire spectaris: singuli Te sibi præferunt;
 Tu Tibi universos. Ut pro medio, & remedio conqueren-
 ti Te offerres Patriæ; medius nasci voluisti. Necdum Natus
 & jam Notus eras; ex Illustrissimo Sangvine galeatus, & lo-
 ricatus ita emeristi Hercules; ut in cunis non ad bellaria, sed
 ad bella Inimicos profligaturus ubiq̃, cuneos nutries ani-
 mum. Dedisti teneros Musis, & doctæ Palladi annos; ad
 magna Natus primam Domi non arctabas luventiam, ast ad
 Doctum Te contulisti Apollinem, à quo indolem omni scibili
 pulchram, ingenium, & mentem bene in artibus formatā cum
 reciperes, alienos ut illustrares in primo ortu meridianū spar-
 gens splendorem Orbem; exterarum nationes lustrasti; genuinus
 Aquilæ Polonæ Pullus spectasti irretortā Soles exoticos pupillā;
 in quibus quidquid veri fulgoris videras, ad claritatem
 Nominis Tui adaptasti: Redisti exinde pulchris moribus, &
 compta politie spectandus; statimq̃, Primis in Regno Proce-
 ribus, & Principibus in cor, & delictum cessisti. Viderat Te
 ad quævis eximia formatum, promptum, & agilem Serenif-
 simus, ac Inviētissimus AVGVSTVS Secundus Regni Feli-
 citas; & in Majestate Sux mentis positum ad quævis ma-
 xima negotia censuit, æstimavitq̃, delegandum: Bene persua-
 sus de Te nullos Barbarorum esse furores, quos non ferias;
 nullam hostium audaciam, quam non disanimes; nullam Mar-
 tialem rebellium, & quorumvis Inimicorū inventionem stra-

tagematum, quam non perdas; Te Regimini Guardix Sux
Sacrx Majestatis præposuit **CAPITANUM**. Duxisti nu-
per Primas S. R. Majestatis Cochortes sub Dantiſci urbem,
atq; expeditissima dexteritate Tua docuiſti, quanta reveren-
tia Majestati debeatur, & Polono Nomini æſtimatio; ubi
notabile Capiti Tuo in hæſerat vulnus Patriæ in medellâ. Vi-
dit, & æſtimavit Polonus orbis Magna Tux Virtutis docu-
menta, cum etiam ad ſedandos Torunij excessus, puniendamq;
veſanam Hæreticorum insaniam cum Celliſſimis, ac Illuſtriſ-
ſimis Commiſſarijs Regni Polono activitate Herculea exer-
citui præibas, & hæc egisti; quæ Te Magnis Majorẽ Viris, &
Maximis parem effecere. Plura de Te ſcribere Conanti plu-
ra ſeſe ingerunt, & inſinuant; quæ, cum totos adimplerent
faſtos, tenuem hanc pagellam, & quorumvis Oratorum ca-
ptum (toto enim capi vix poſſunt orbe) & conceptum ex-
ſuperant; nec Tulliana prætendunt lumina ex ſe Illuſtriſſima.
Unde quia non in voces prorumpere, verum in altum obrige-
ſcere ſilentiũ faciundia cogitur; humili ſtylo deſino in vota: ut
BONI OMNIS ASTRUM, quod è Sidereo Carmeli
Monte in publicam ſub **TUO ILLUSTRISSIMO NO-**
MINE reflectit lucem; proſperrimos Cælorum Tibi inſeclat,
& efficiat influxus, ad Primos præluceat Honores, ac can-
didiſſima incolumis vitæ accendat luſtra: Ita precor

Illuſtriſſimæ ac Magnificæ Dominationis Veſtræ

Devotiſſimus Cliens,
& Servus

Author Operis.



ORATIO.



Ardo temporum iniquè strepens ut in meliores moveatur fortunas, difficillimum opus aggredior; ut tamen pateat, ope Suprema aperiendū esse censeo. AA. Tantæ enim molis est sereniores è rerum tempestate emergere soles, ut vel ipsa amica arti natura mutari, si non mutuetur robur desuper, videatur; vel ordinum basis graviore in deterius ruat casu. Nemo sibi ad novissimorum adventum adventitiam pollicetur fortunam. Igne, & saxīs movendus animus, ut ubi ad ultimū lapidem offendendum, ibi in altum sur-

B

gere

gere contingat. Inter deciduas stellas non concidere mente, cui (quæso) cōcessum? inter Superos Cælorum motus insuperabiles Orbi consurgunt metus. Verè Gordius nodus in solvendis periculis, ubi ipsa Gratia Joānnes in vinculis. Brumales ferias intactam rerum ferire ideam experiētiā probatū. Martis diem in Gradivi erumpere incēdia, ut plurimūm repertum. Divinissimum hujus Templi Præsidem MICHA-ELEM in minaces abire vices, & voces: QUIS UT DEUS, actum est. Ergone mortalium mentes fulminibus quassari non debeant, si Olympici montes per decretorium Judicis fas infandam sui incurunt annihilationem? ergone in manantem lacte, & melle terram abeundum erit, si fulgura, & ignes beatiorē præpediunt tendentiam? ergone aurora prænuntia lucis festa nobis declarabit hilaria, si unicus Cæli oculus Sol diaphanas everberans palpebras disordine rerum obscuratur? ad cujus radiorū exspirium publica disanimatur facies ita; ut non
tan-

tantum irradiata aëri eliminat lumina,
verum etiam ad limina mundi cæcuti-
entes lunas, pavidas noctes, tetricam
caliginem extremâ disseminat providen-
tiâ. Alibi nascentis vitæ speramus la-
chrymas, hîc fletum, & stridorem toto
piscamur alveo. Alibi votiva primæ
Classis expectamus solennia, hîc tragæ-
dias, & tristes peragimus nœnias. Ve-
rùm absint Martes, & mortes, extra Ga-
ramantas, & Indos non retròcundo abe-
ant passu; non plus periculo, & calami-
tati incumbendum, ubi Festa D. IOAN-
N I S. à Cruce plus ultra Divinîs gra-
tîis gaudendi, & perfruendi celebrant Di-
em, in qua, quod auspiciatissimò dilucu-
lò exoritur D. IOANNES veluti Sol,
qui flammigeris mundum complectitur
habenîs, terminum opacis rerum vicissi-
tudinibus, & metam ponit; & ubi tene-
bris nigrescere omnia advertimus, can-
didissimum melioris fortis invenimus al-
bum. Magnum quippe Lumen hodie-
na luce tenebrioni illuxit universo, à cu-
jus splendidissima rota in publicam com-

munis lætitiæ rotamur lucem. Quare
splendorē quem annotāsti Orbis, adora;
Ego D. IOANNE M à Cruce A-
STRVM BONI OMINIS Oratoriō
accendam stylō. Talem Te D. IOAN-
NES à Cruce Vniuersus Orbis serena
intuebitur fronte; si radios gratiæ, &
protectionis Tuæ umbratili infundes
ivadæ. Vestra verò benevola attentio
AA. diffusi in abundantiam boni ominis,
huius Divini Luminis observabit veri-
tatem clariùs; si huc supercilia, & ocu-
los Vestros convertetis.

EXtra Stellantis Olympi commenta
Carmelū ELIÆ montem ad mentem
publicæ veritatis Cælum Vestris propo-
no obtutibus. Tenet conterminum Po-
lo splendorem Carmelitana Religio, quō
inde suum derivâsse probet ortum; vel
suæ Sacratissimæ Regulæ Professores in
sidera transformare profiteatur. Non
desunt hic veriores fabulosa antiquita-
te Saturni, quorum caput aurum opti-
mum pretiosioribûs aureo rore inferio-
ra ditando influentjâs cuivis temporis ex-
tem-

tempore ingens meditatatur pondus, & valorem. Non unius Palladis doctas veneramus cunas, super quam Sobolem Sacratiora Jovis non semel sudârunt rebella. Multos diceres Martes, quos in pulvere scholastico cum decumano errorum dissidente decertantes, aut super adversariam ignorantiam triumphantes adverteres. Multi hic delectant movendo, movent docendo, quorum nomina Tullij, Hortensij, Torquates, potissimum Mercurij in libro posteritatis annotata. Spectamus in hoc Mystico Sanctitatis Cælo Lunas, ubi perfectam virtutum advertimus sine decrecente plenitudinem. Novistis hæc AA. Lumina, & Soles Carmelitanos? noscite & IOANNEM à Cruce quem nobis redeuntia ASTRUM BONI OMNIS ostendêre tempora. Vix in Abulensi Diæcesi Cimmerijs naturæ solutus vinculis primam aspexit lucem, illico feliciore secundatus sorte non tantum Gentilitias Familiarum ceras igne Amoris Divini, ut melius lucerent, accendit, verum etiam obscuratum protunc vi-

C

tjâs.

tîjs illustravit Orbem, quô se BONI
OMINIS probaret ASTRVM. Rum-
pantur crassæ Ægyptiorum noctes, ubi
horoscopante Phæbo sanctitatis, & sci-
entiæ novum de nobilissimo Iepesiorum
sangvine emergit Lumen. In sacris Ba-
ptismi lymphis justitiæ speculatus Solem
reflexum derivabat jubar, ut luce orbū
illuminaret orbem, & immundū effice-
ret mundum. Voce Clamantis dota-
tus IOANNES, quâ clariùs bona terris
declamaret omina, Lingva Cæli (A-
STRVM intelligo) in Sanctissimo suo
declaratur nomine. Devolvat terris O-
lympia fulmina, dum prodit Macedones;
accendat Octavia splendidissimos, ut o-
cto Soles, dum generat Augustum; Ca-
tharina Alvarez ASTRUM protulit, dum
IOANNEM, Gratiã, dū BONI OMINIS
Fortunatū nobis advexit SIDVS. Ha-
bet (ut fatear) Lucina suos Lucios;
Abulenſe solum suum Solem, ubi è dilu-
culo orientis vitæ ASTRVM IO-
ANNES cognoscitur. Genethliacon
suum ulterioris vitæ illustravit splen-
dore,

dore, quô se ex asse Hæres luminis, &
BONI OMINIS ostenderet. IOANNIS
Nostri cunæ aurei gratiarum possunt
nominari cunei, ubi ad crepundia D.
Pusionis Alcides orcus stetit immotus;
vel satius motus, quandoquidem ad In-
fantilem vocem trepidavit; & ita infe-
riores tenebras Infantilibûs lachrymîs,
& fascjîs extinxit IOANNES, ut se Cæ-
lestem Facem probare non negaret.
Hinc accenditur infernalis rabies furo-
ribûs contra Cæleste Lumen, & furit, ut
vel furetur splendorem, vel extingvat
radios probitatis, vel feriat diaphanam
Innocentiam; fertur in adversa. Ignito
pectori aquariam lacum, flammeo erga
Superos Amoris ardori gelidas undas,
foventi Divinas scintillas cordis Classi
Scyllas, & Charybdes vesano impetu
ambitiosus exambit opponere. Movet
deniq; repletum fluctibûs Neptunum
Pluto, ut mobilem Iuventam quantocy-
ûs in ultimam inclinet procellam. Ve-
rùm fixum SIDVS IOANNES cadere
ignorat. Hæret quidem in aquis, sed flu-

Etuare nescit; imò splendidius allucet
Nymphis, ut innotescere faciat caven-
dos Mundi Navarchis ad scopum
beatitudinis tendentibus scopulos, ad
quos allisæ non semel periêre rates.
Videto inferne, quantum naufragium
patiaris, dum IOANNEM naufragari
cupis: in foveam cadis, quam in aquis Sa-
cro fodis IUVENI. Virtus inoffenso pe-
de Syrtes transgreditur, nec inter fluctus
Scyllas novit; nocivas Syrenes ridet cum
Vlysse. In hoc tantum infernalis Tyran-
ne clemens Tua crudelitas, quòd in aqua-
rum speculo condidisti IOANNEM.
Spectaculum Orbis, quia ASTRVM, in
speculo condi debuit, crySTALLINA virtus
in Neptuni crystallo reservanda erat;
Virgineum innocentia SIDVS noverat
perbelle, & hinc speculũ ei subministra-
vit; ut videret, quàm sint decori reflexi
radij melioris fortunæ bonum in filo Or-
bi monstraturi argumentũ. Nescius ad-
uri undarum æstu, & astu cocyti una de
Plejadibus Stella IOANNES tempesta-
tem prælagit non aliam, nisi, quâ grandi-
net

net gemmîs, riguôq; Cælum depluat aurô. Gemmea est STELLA IOANNES, inter fulmina, & fluminum procel-
las enutritur, in scabrosa navalium periculorum educatur concha; idcirco demersus in littus emergit, ne Vrinatoribus laborem in quærendo faciat. Alter de Eridano Phæbus oritur, cui auxiliô suô Aurora MARIA antè præfulsit; ideò aquis non extingvitur, ut luceat coram hominibus; quô se ASTRVM BONI OMNIS gratijs IOANNES ostendat. Verùm vix sedatus Neptunus æstuan-
tes absorpsit fluctus, & ecce immane Monstrum de stygijs emergit undis, cujus fauces eructant flammæ, spargunt oculi ignes, collũ ferrea arctat catena, rigent ardentibûs flammati pedes ungvi-
bûs, scintillat juba, candescunt dentes. Stridet dentibûs, ast non deterrebit IOANNEM, qui adusq; edaci temporũ non corroditur dente; diductos opponit rictus, & hiatus, has exhalationes sibi approximare non patietur; quia STELLA splendidissima. Allatret, non terre-
bit,

bit; aspiciat, non consternabit; aggrediatur, non mordebit. Cornutum SIDVS IOANNES habet sua arma, quibûs contra te pugnet mortalibus infense draco, & tuam disarmet audaciam, disarmatam uincat, super victam triumphet. Leo in via averne atros evomens ignes si in SIDVS transformari studes, ut ita Luminare Nostrum socium tuo valeas jungere Zodiaco? extingvet pessimam constellationem IOANNES, in quem, dum Ipse favoribûs influat DEVS, nihil non Cæleste potest indicare. Actum est AA. post sinistros conflictus afflicta animæ hostis, duris casibûs actus agitur in mortem Mars erebus, cujus tota vita unica mors. Non est erraticum SIDVS IOANNES, ita suæ sphæram activitatis amat, ut moveri ignoret quovis insultu, nisi ad suæ lucis augmentum, & ad bonum inferioribus influxum per motum communicandum; quia divilum Cælum cum Iove IOANNES habet. Nescius erroris à tramite recti nunquam devia-
bit, cujus Infantia lacteâ innocentiae in-
cedit

cedit viâ. Triumphate Cælestia ASTRA,
Polus Arcticus IOANNES arcet fatuos
ignes, & post victoriâ canit triumphum.
A publica nihilominus calamitatum vo-
ce non abstinet publicæ inopiæ pro tes-
sera sese ASTRVM comunicando. Gau-
de Abulensis terra, quòd sub tanto SI-
DERE bona Nomina, & omina habitu-
ra judicaris; cujus bono ut meliùs arte,
& Marte consulat, pietati, & Sapientiæ
studet IOANNES. Augusto tamen
Nomini, & Numini angusti videbantur
domestici Zodiaci; ac ideò in Nosoco-
miæ Minervæ Iphæra, seu signo ASTRũ
hoc suum peragit Solstitium. Et bene
est; id unicum enim defuerat IOANNI,
ut post instructa pauperibus obsonia au-
reïs de Ligno scientiæ vescens radicibûs,
veluti radjïs in publicam æternitati enu-
triretur lucem. Omnem ingenio doctri-
nam complexus lucidissimum factus est
Spectaculum, & Speculum, in cujus cul-
tissimo pectore clarũ quendam sapien-
tiæ Orbem ita demirabantur minores
trochilli, ut omnium in se ora, oculosq;

convertisse videretur. Et non frustra; quia ad Divinum ASTRVM Scholastici motus, Tulliana ostra, & rostra, ut clariùs dicendo proficerent, regulari debuerant à Regula boni, rectiq; cōscia tu-
sius Lumen derivatura. Si attentius constituti in arena literaria pueriles legerentur IOANNIS characteres, ubiq; sonoras Virtutum proferre probarentur consonantes; Qui in hac bonorū operum stetit auge, ut illorum Syllabus à cunctis in immensū clarere observaretur. Considerate; ut scholastici Luci suam lucē habeant, quā prælucēte obscuræ in errorum anfractus non deviant mentes, ASTRVM BONI OMINIS IOANNEM nanciscuntur: ubi Eum ad paginarū albedinem splendēre, ad Cleanthis lucernam Cæli LUCERNAM invigilare, ad nigros characterum colores calere, ad linearum ordines sphæram Virtutis non excedere suum studiosæ Classes Lumen venerantur, & adorant, ut pote Illum; qui ita compendiosè discebat literas, ut nec unum probitatis jota ad complendū, quō

quô bearet singulos, suum splendorem,
omitteret. Ingreditur Parnassi colles in
vertice celso excelsi genij, & ingenij ra-
dium altius elevaturus, quô producat
brevem vitam longa recte gestorū cre-
scere quantitate. Cæsuras conscientiae
nunquam novit; illas tantummodò per-
fectè didicit, quibûs cædere, & occidere
mundi illicia sciret. In nullo unquâ excès-
sit nisi in maxima humilitate, virtute, &
eruditione, quòd super omnes emineret.
De virtute ergò in virtutem scandere
sciens ubi velox in Oratorijs apparet
liminibus, novum Arpinaticum Lumen,
& Numen salutatur. Placet D. IOAN-
NES hæc translatio, ubi vel à Cælo ter-
ris, vel à terra Cælis Te translatus O-
ratorem ipsa etiam antiquitas adoraret.
Ita ore inclaruisti; ut Verba Tua oraçu-
la fortunatorū successuum crederentur.
Viva vox IOANNES vitam perorat,
velut alter Pericles fulmina etiam dicen-
do frangit; ne noceant mari, & terris, sva-
vitate verborum attendit, ut ASTRVM
Oratorij Cæli appareat visendus. In-
E vide-

videbant Arpinaticis luminibus, quòd
illis maximam communicaret claritatē,
Solem IOANNEM Philosophici circuli,
in quibus suum absoluturus cursum cur-
rit IOANNES, & disputantium um-
bris ad mentem inclarescit, ut illis in pro-
celloso Euripo periclitari non contingat;
& ne Philosophorum eclypsentur Lu-
minaria, suo splendore ASTRVM BO-
NI OMNIS se illis pro argumento ob-
ijcit concludendum. Post diserta Scho-
larum Olympia, quæ illæsus ad lapidem
offensionis decurrit, ad desertos à Mun-
do, & delicîjs sæculorum recurrit recef-
sus, in quibus ut Vox DEI IOANNES
promineat, Sanctissimam sequitur vo-
cationem, & ad Carmeli Montes dilu-
culo ætatis Suæ tempore exoritur Reli-
giosus primitivam ELIÆ regulam lu-
straturus, ac illustraturus. Sed siste gra-
dum IOANNES, quò præcipites matu-
ras passus? obicem Tibi ponit ipsa in-
doles, ubi indolet abeunti ulteriores for-
tunæ, & futuræ sortis spes proponendo.
Ergone ab honorarijs fascibus ad Cru-
ces

ces properas? ergone à divitijs ad paupertatem divertis? à præclaris Familiarum ceris ad religiosas confers Te umbras? Mundum tenebrionem in Cimberiis perituum noctibus relinquis? quò raperis votorum impetu? Decuit IOANNEM Terreſtre SIDVS violento etiam moveri motu, quò violentos adverſitatum propelleret ab orbe inſultus. Prævidit equidem IOANNES tempeſtatem Mundi sæpenumerò exundare, & ex hac etiam ſereniſſimis mentibus nubiſa non rarò profundi, imbribus sævis orbem feriri, & furere; ne hīs, & ſimilibus extingvatur D. ASTRVM procellis, ſub pallium ELIÆ veluti ſub beatus fortunæ tectum confugit lumen claræ conſcientiæ proſemper in religioſo habitu habere cupiendo. Vel ideò tenebrionem mundum deſeruit, ut ſui Luminis ſequacem in beatam educeret ſemitam; vel ut ex antris Carmeli clariuſ jubar univerſo explicaret. Congaudet Domus Carmelitana Tanto Hoſpiti, & Advena, & in feſtivos aperitur

applausus, Orientem inter Sidera sua
salutat STELLAM BONA OMINA
concupiendo ex IOANNE; Indolem in
fundo humilitatis natam, & educatam
non nisi maximis aptam successibus a-
gnoscat. Nec votô inani; quia conceptâ
de se spem IOANNES perfecit. Totus
ardoribûs pietatis exarsit verè Eliani
cordis Flamma; aut Cælestis. Regulas
omnes intaminatus Sphæræ Religiosæ
observat, sancita perantiqua Ordinis, ut
oracula commendat, eâ reverentiâ sta-
tutorum curam inculcat alijs, ut Ipse
Legislator redivivus ad lumen probi-
tatis legeretur; Cujus precibus sociata
demissio attollit devotionem, prona Cæ-
lorum adoratio Majestatem pietati apud
Superos conciliat, submissæ enim vo-
ces citiùs merentur exaudiri. Lecti de
sacris voluminibus pij affectûs ardores,
quibûs & solus inclarescebat, & univer-
sum incendebat, in panegyres Ei abiê-
re, ubi ASTRVM BONI OMINIS inde
Officiosô meretur calamô indigitari. Per
amoris quippe Divini radios illustrat or-
bem,

hem, inflammat per innocentiae crystal-
lum; ut quamvis Cælo affixum SIDUS
credatur IOANNES, otiari tamen haud
gnarus per clari fulgorem exempli in
mentibus hominum, in visceribus cor-
dium metalla pretiosæ virtutis operatur,
publicam felicitatis accendit lucem, pri-
vatis adscintillat conatibus, secundo in
Mundum influit aspectu. Diverfimo-
dè ASTRA regunt homines; ASTRVM
IOANNES nonnisi ad bona opera di-
rigitur à Prima Motrice Intelligentia, &
dirigit. Gratîs ex etymo Nominis im-
minet IOANNES, ergò in spem magnâ
desperata emergebat, & emerfura est ca-
lamitas Ipsū à longè, & è proximò con-
templata. Semper anchoram cum bilan-
ce suprema ad beatiores quisq; Palinurus
dirigebat Insulas, semper aspirabant gra-
tò entheò Favonij, quoties viator San-
ctū SIDVS IOANNEM observabat.
Surge profanate orbis, tolle hilarius su-
percilium, plaude libero pede, inco-
lumis, fortunatus, ac perennis futurus
agnosceris; ubi Tibi IOANNES ad
F aram

aram non profanorum fanorum, sed Numinis, quo vivimus, & calescimus omnes, in titulum erigitur. Vix enim sacris initiatus incruenta pro Te ad DEI Altare adolet sacrificia, gratiâ confirmationis accenditur, ut Tibi ASTRVM BONI OMNIS splendidius, perēniterq; luceat; à DEO confirmatur. Sonat tandē Vox Clamantis in deserto prædicatione JOANNES; ut à cunctis audiatur, & ignitō eloquiō Lumen mundi esse percipiatur. Plures ille exemplō docuit, quàm Romanus Tullius docendo persuasit. Verba Ejus Lumina erant, quibûs ut fugabat cæcitatem mentis; ita meridiē Sanctitatis accendebat. Nunquam ad Ejus disertū in suggestibus, serenū in tribunali Confessionis ortum occidebat devotio; imò adveniebat in penetralia animi dies probitatis. Semper doluit, quantumvis semper sanus mente fuerit; ne mundus doleret, optando. Nunquam dissolutus precibûs, & ligatîs manibûs ligabat Numinis Clementiam, & dissoluto orbi inflectebat, quâ bearet. Cæteris

teris cū præſſet, humilitatem coluit,
ab omnibus colendus. In conſilio, &
auxilio auxiſis ſucceſſuum, in patientia
Norma, & Forma univerſæ Virtutis u-
niverſi ſe præbuit oculo; ut Divino a-
more, more, & re ex utroq; Cæſar, ſeu
ASTRVM crederetur Diviniſſimū, cui
omnibus æquè lucere eſt decretū. Spi-
ritu Prophetiæ animatus aureos hora-
rum fluxus, pretioſa ſortis faventis tem-
pora, pulchram Eccleſiæ ſerenitatem, ſe-
renam Mundo pulchritudinem efficaci
omine nuntiabat ASTRVM BONI
OMINIS ſe demonſtrando. Nec ab-
ſcondita cordis latitabant IOANNEM;
tantum enim Spiritūs Divini lumen
habuit, quō poſſet tenebreſcentes il-
luminare animos. Tenebrarum Prin-
cipes abhorrebant IOANNEM, quia
mali ominis ſidera, ſeu potiùs infer-
nales aduſti titiones; extemplō fugie-
bant, quàm primū venturum Eccleſiæ
Sponſum prænoſcebant Lumen. Tace-
at, nec jactet ambitioſa antiquitas Pro-
metheum flammâ ignis de Cælo rapti

animâsse hominem: à Nostro IOAN-
NE ut pote Flammâ Cælesti BONI O-
MINIS ardorem profundente in ulti-
mis periculis, extremis morbis, & mor-
talibus etiam positi Cimmerijs diutioris
vitæ derivârunt, & derivare non cessant
jubar, & initium. Dicat Isabella ab In-
carnatione, dicant alij innumeri, cujus
operatione longiorem jam abbreviandi
in vita aspexerunt lucem, si non influ-
xu IOANNIS? fateatur universa Gra-
nata, & Abulensis Urbs, integer mundus
quot miracula, quot prodigia gratiarû
demirando stupuit? Non aliter profectò
non aliter decebat ASTRVM apparere
IOANNEM, & vitæ peragere motus
non alios; nisi Sancta loqui, inopiam, &
quascunq; afflictiones eliminare, mortis
propellere umbras, pacem, amorē DEI,
fortunam, & prosperrima quævis intro-
ducere; ut esset BONI OMINIS. Hic
jam IOANNES postquàm clarificave-
rit Nomen, & notum fecerit gentibus,
sphæram terrarû sublunarē deserit, in Fir-
mamentum Angelicis transfertur mani-
bûs

bûs novum SIDVS; ad splendidissimum
Solem justitiæ è vita discedit, ut cursû
suum velociorem discedendo faciat in
perpetuas æternitates splendorem spar-
lurus in omnes, & constellationē in Cæ-
lesti regione peracturus. Sed eheu orbis!
vide quantam amittis lucem, oculû per-
dis; frontem brevi non habiturus. Vix
ASTRVM IOANNEM occidere ad-
vertimus, illico gemitu tecta fremunt,
resonat plangoribûs æther; ac si immissis ru-
at Carthago omnis hostibûs. Graves
mundus attollit oculos, naufragantibus
in lachrymarum oceano pupillis inex-
tinctam pupillus quærit lucem, suspirijs
implorat Cælum: Irim demitte Olympe;
quæ luctantem animam, nexosq; mærore
resolveret artus. Sed quid est? quousq;
solves in amaros lumina fletus? quousq;
largo humectabis flumine vultum, & per
sinus lachrymæ fluminis instar ibunt?
noli imo trahere de pectore questus; &
periclitari in luctibus. Ideò IOANNES
mortuus, ut Tu vitā consequeris felici-
orem; ideò è terris ad Cælos migravit,

G

ut

ut Tibi è Supremo Polo clariore veloci-
ori impetu demitteret radiū; ideo nube
mortalitatis velatus, ut post nubila illu-
strior intensiore spargat protectionis in
Te claritatem. Forsan etenim non cre-
deres JOANNEM BONI OMINIS LUMEN,
si in Cælo Empyreo veluti Firmamento
non locaretur firmius orbē clarificaturus.
Solvito itaq; corde metū efficaciores pos-
sessorus gratiarum influentias: quò enim
altius Astra elevantur; eò intensius
demittunt jubar. Et hinc est; quòd ad
Sanctas exuvias omne genus morborū
degenerat, omnis calamitas melioris for-
tis festam celebrat diem; quam IOAN-
NES, quia ASTRUM BONI OMINIS,
accendit. Per novem horas continuo
ardens ad Sanctum sepulchrū non mi-
nutus cereus non minutū; ast primæ ma-
gnitudinis LUMINARE JOANNEM
ostendit. Linthea mirifico clarent splen-
dore, ubi si vestigia IOANNIS splen-
dere cernuntur (quibus quævis abster-
gitur infelicitas) Ipsum IOANNEM
ASTRUM BONI OMINIS esse jure af-
fir-

firmandū est. Coronâssem ego IOANNEM floribûs, & ad hyemales ferias immarcescibile Liliū regalem spargens Virtutum odorem proposuissem; ni scirem, quòd flores non diu colores retinent: citiùs marcescunt, quàm virent; Propinâssem Eum Fontem, & ad gustum Auditoris condidissem, ex quo omnis Virtutis promanabant rivuli; sed habent suos flumina scopulos, ad quos plurimæ alliduntur classes. ASTRVM ergò BONIS OMINIS IOANNEM malui Vestro ostendere conspectui; quòd enim propositæ à me defuit Oratoriæ, hoc in IOANNE præclarè videre licet, & admirari. Reddo, quod Vestrum est Sacratissime Ordo. Vestra gloria, & honos est; quòd D. IOANNES à Cruce in Vestris Penatibus ita resplenduit; ut ASTRVM BONI OMINIS publica luce clarere censeretur. Parcite umbratili Oratoris svadæ, quæ hunc splēdorē non illustravit; sed Vobis tantummodò, quod Vestrum est, repræsentavit. Perorant clarè pro Domo Vestra Oratoria Lumina; quòd

niveo habitu candidi ex præmissis claregestorum
demonstremini Soles: Nihil quippe non illustre,
nihil non publico Sole dignum in Vestro devo-
tissimo potest reperiri Cætu, nihil non igneum
Amore Divino scintillans ad igniferum Eliæ mu-
cronem censerî, nihil non splendidum, & crystal-
linum ad Vestras apparere umbras; ut pote: qui
Lumina Mundi, Luminaria Sanctitatis; triumphal-
les Ecclesiæ militantis Ignes lunato observamini
poplite. Verùm quia maximæ humilitatis Cul-
tores Rhetoricis gradationibûs ire ad sidera nega-
tis, nisi virtute, & meritîs; altô Vestras laudes
veneror silentiô. Et ubi jam meridiano suo splen-
dore JOANNES D. ASTRUM BONI OMNIS
Oratoria extingvit lumina, & spectatricem pu-
pillam cæcutientē everberat; desino Tullianam
vocem, in vota supplicî prorumpo facundiâ. E-
leva JOANNES D. protectionis Tuæ radium in
Poloniam, ubi Te devota Sarmatiæ Aquila irre-
tortâ palpebrâ suam quærit lucem; quam, ne in
occiduas claudat tenebras, ad meliorem boni pu-
blici leva splendorem. Florentes Regû sceptrîs,
Principum Fascibûs Universitatis Cracoviensis
Lucus ita lucere facias; ut Nomini, & Honori
Tuo triumphalia quotannis cremantes in-
cendia nunquam adversa sorte agitentur.

Omnibus Serenum Gratia JOAN-
NES communica jubar; ut ASTRUM
BONI OMNIS publicè
agnoscaris: qualem

D I X I.



Biblioteka Jagiellońska



stdr0021820

